

Joulukuu lauluproovi' naisilõ nurmõst ja miihile mõtsast!

Novembrin naati pääle II võrokeelitse laulu- ja rahvapido Uma Pido laulupruuvõga noilõ miihile ja naisilõ, kiä egäpäävätselt laulman ei käü'. Ettevõtmist jakatas – egä kuu kooni' Uma Pidoni, miä om 29. mail 2010, saias üts kõrd kokko ja nii opitas är' miihi- ja naisikuurõ ja ütiskuurõ laulu' II Umal Pido laulmisõs. Koorijuhi' kinnitāse', et viil olõ-i ilda *nurmõnaasõs* vai *mõtsamehes* naada'!

Nii Põlvan ku Võrol tull' novembrin laulma 25 lauluhimolist naist. Miihi kogonesi Vanna-Koilāhe kah, a peris noid, kiä koskil laulmani ei käü', oll edimādsel kõrral veidü – ināmb oll noid, kiä käävä Võru vai Põlvamaa miihikoorin vai mõnõn segākoorin.

Ka tõistõ pruuvi oodõtas vahtsit lauljit nurmõlt, mõtsast, külāst ja liinast, noid, kiä tütārlatsõ/poiskõsõna vai tudõngina vai ka ildampa omma' koorin laulnu, a parla ei laula'; niisamatõ oodõtas segākuurõ ja -ansamblide naisi ja miihi. Niimuudu kuun harotadõn saava' projektkoori' "Naasõ' nurmõlt" ja "Mehe' mõtsast" Uma Pido laulu' selges. Oodõtas kõiki, kinkal om lauluhellü, noodi perrā laulmisõ mõistminõ olõ-i tähtsä! Taa ettevõtmisõ mõtõ olõ-i kokko saia' vahtsit kõikaig kuun käüvit kuurõ, a panda' naisi ja miihi helü' pidol kõlāma.

Naasõ' harjotasõ' erāle Põlvan ja Võrol. Kotus tulõ valli' tuu perrā, kohe lähemb minnä' om, vai kohe tutva' joba iin lätsi'! Põlvan tegeles vahtsidõ lauluhimoliisi naisiga Põlva naisikoori Mai dirigent Saidi Tammeorg ja Võrol naisikoori Kannel dirigendi' Helga Ilves ja Erja Arop.

Naisi kokkosaamisõ' omma' detsembrin:

Iispäävä, 7. detsembril kell 19.00. Võro Kultuurimajan Kannel. NB! Kiä tulõ edimāst kõrda, tulku 18.30, sõs saa koorijuht lauljalõ helüpruuvi tetä'.

Tõsõpäävä, 8. detsembril kell 18.00. Põlva Kultuurikeskusen. Põlvan tetās vahtsidõ tulõjõidõ helüpruuv joosupäält är'!

Miihi laulmist võtt iist Andres Määr, kiä om nii Võro ku Põlvamaa miihikoori üts dirigentest. Mehe' saava' kokko "keskpõrmandu pääl" Võro ja Põlva vaihõl Vanah-Koiolah.

Miihi detsembrikuu kokkosaaminõ om:

Pühäpäävä, 6. detsembril kell 16.00. Vana-Koiola rahvamajan.

Nii naisi ku miihi vahtsõaastakuu kokkosaamisõ' antas teedä' proovin ja kuulutadas Uma Pido kodolehe pääl www.umapido.ee ja Uman Lehen jaanuari alostusõn.

Teedüs Saidi Tammeorult (tel 5097391), Helga Ilveselt (tel 5283549), Andres Määrilt (5284859) ja Uma Pido kodolehe päält www.umapido.ee.

Laul hoit naasõ' ilosa' ja mehe' kimmä'! Näemi laulman!

Triinu Ojar
II Uma Pido projektijuht
Tel 533 22 153